

Mae diddyfnu wŷn ar yr adeg gywir yn hanfodol ar gyfer iechyd y mamogiaid a'r wŷn yn y dyfodol.

Yn ddelfrydol, dylid diddyfnu wŷn rhwng 12 a 16 wythnos oed, ond mae dewis yr adeg iawn yn dibynnu ar y ffactorau a ganlyn:

- Tyfiant y glaswellt – os oes llai na 4cm o laswellt, mae'n golygu bod y mamogiaid a'r wŷn yn cystadlu â'i gilydd ac felly dylid diddyfnu'r wŷn. Ar ôl iddynt gyrraedd 8 wythnos oed, mae'r wŷn yn cael digon o'u hegni o laswellt yn hytrach na llaeth – mae hynny hefyd yn peri mwy o gystadleuaeth.
- Cyflwr y mamogiaid a'r wŷn – os yw'r mamogiaid yn denau ac mewn cyflwr gwael, mae'n golygu bod yr wŷn yn cymryd eu hegni a'i bod yn annhebygol fod ganddynt gyflenwad da o laeth. Os ydynt mewn cyflwr gwael, bydd angen amser i wella'u cyflwr er mwyn cyrraedd BCS 3 adeg hwrdda.
- Cynnydd pwysau byw dyddiol yr wŷn – dylai'r wŷn fod yn ennill 200g y dydd. Os yw cynnydd pwysau byw dyddiol yr wŷn yn llai na hyn, dylent gael eu diddyfnu.

Camau i leihau'r straen adeg diddyfnu:

- Anfonwch yr wŷn yn ôl i'r caeau lle'r oeddynt gyda'u mamau fel eu bod yn gyfarwydd â'r manau lle mae dŵr a chysgod
- Gwnewch yn siŵr nad yw'r wŷn yn gallu gweld eu mamau ar ôl iddynt gael eu diddyfnu
- Os oes modd, diddyfnwch yr wŷn pan fo'r tywydd yn dda
- Peidiwch â diddyfnu'r wŷn yn rhy gynnar – dylai'r wŷn fod yn 8 wythnos oed o leiaf
- Naill ai symudwch y mamogiaid i dir pori gwael, rhowch nifer fawr gyda'i gilydd neu rhowch nhw ar wellt er mwyn eu hatal rhag cynhyrchu llaeth – bydd hyn yn golygu eu bod yn llai tebygol o gael mastitis. Mae hefyd yn hollbwysig eu bod yn gallu cael hyd i ddŵr.

Cyngor SCOPS adeg diddyfnu:

- Ewch i wefan SCOPS i gael y rhagolygon Nematodirws diweddaraf ar gyfer eich ardal – <https://www.scops.org.uk/forecasts/nematodirus-forecast/>
- Gwnewch gyfrifiad wyau ysgarthol ar yr wŷn, a pheidiwch â rhoi moddion os nad oes raid. Os yw'r wŷn yn cael moddion, cadwch nhw ar yr un tir pori am 4–5 niwrnod cyn eu symud i dir pori glân.

